



**UniMAP MANTAPKAN BIDANG AKADEMIK DAN PENYELIDIKAN BERSAMA
LUT, POLAND**

KANGAR, 24 November – Universiti Malaysia Perlis (UniMAP) mengorak langkah ke arah pemantapan program-program akademik dan penyelidikannya melalui kerjasama strategik yang dijalin dengan institusi akademik luar negara.

Naib Canselornya, Brig. Jen. Datuk Prof. Emeritus Dr. Kamarudin Hussin berkata, antara pemantapan program akademik yang dijalankan melibatkan program baru di bawah Fakulti Teknologi Kejuruteraan (FETech) dan hasil penyelidikan di bawah Pusat Kecemerlangan Geopolimer dan Teknologi Hijau (CEGeoGTech) UniMAP.

Menurut beliau, beberapa kerjasama telah dijalinkan antaranya dengan institusi pendidikan dari Croatia, Australia dan Jepun yang telah bermula sejak tahun lalu.

Hasil kerjasama tersebut, ujar beliau, CEGeoGTech dan Pusat Pengajian Kejuruteraan Bahan, UniMAP dengan kerjasama University of Queensland telah menganjurkan Electronic Packaging Interconnect Technology Symposium (EPITS 2015) di Bayview Beach Resort, Pulau Pinang hujung minggu lalu.

“Simposium yang berfokuskan kepada teknologi bahan pembungkusan elektronik ini dihadiri oleh lebih daripada 70 orang peserta daripada industri dan universiti dalam dan luar negara dengan pembentang utamanya adalah Presiden Nihon Superior Jepun, Tetsuro Nishimura.

“Selain itu, EPITS turut mengundang Pengurus Intel Malaysia, Dr. Wei Keat Loh, Pensyarah Kanan Imperial College London, Dr. Christopher Gourlay dan Pensyarah Fakulti Sains dan Teknologi, Universiti Kebangsaan Malaysia, Prof. Madya Dr. Azman Jalar sebagai pembentang utama,” ujar beliau dalam satu kenyataan di sini hari ini.

Datuk Dr. Kamarudin berkata, simposium itu merupakan sebahagian aktiviti yang telah dirancang hasil daripada memorandum persefahaman (MoU) yang telah ditandatangani antara UniMAP dan University of Queensland Australia pada April yang lalu.

“Kita perlu memperbanyakkan penganjuran seminar atau simposium seperti ini bersama universiti dan institusi penyelidikan daripada luar negara bagi meningkatkan keterlihatan UniMAP dipersada antarabangsa.

“Terkini UniMAP memilih Fakulti Kejuruteraan Mekanikal, Lodz University of Technology (LUT) Poland melalui surat hasrat yang dimeterai hari ini antara beliau dan Saintis Kanan LUT, Professor Dr Adam Rylski,” ujar beliau.

Turut hadir, Dekan Prof Madya Dr. Che Mohd Ruzaidi Ghazali dan Timbalan Dekan FETech, Dr. Nik Noriman Zulkepli

Menurut Dr. Kamarudin, kerjasama UniMAP dan LUT akan lebih menumpukan kepada bidang akademik dan penyelidikan dimana, pihak FETech dan CEGeoGTech bersetuju menjalankan penyelidikan secara bersama dalam bidang *Thin Film and Alloy Processing*.

“Selain itu, pihak LUT juga bersetuju untuk menerima pertukaran pelajar dan staf secara berkala tanpa melibatkan kos pentadbiran selain turut bersetuju menghantar pelajar tahun akhir Pemprosesan Bahan dan pelajar pascasiswazah dalam bidang penyelidikan aloi pada pertengahan tahun depan semalam 2 hingga 4 bulan,” katanya.

Terdahulu, Professor Dr Adam Rylski menyampaikan kuliah antarabangsa kepada lebih 100 orang pelajar bagi program Pemprosesan Bahan, FETech di Kompleks Kuliah UniCITI, UniMAP.

Dikeluarkan Oleh :

Mohd Basri Basir (mbasri@unimap.edu.my)

Penolong Pegawai Perhubungan Media UniMAP